



御選宋詩卷第十三目錄

五言古詩四

蘇轍二十六首

許將一首

孫覺一首

孔文仲一首

孔武仲八首

孔平仲十五首

米芾一首

賀鑄二十二首

鮮于侁四首

御選宋詩

卷三目錄

王欽臣一首

郭祥正十九首

楊蟠一首

章惇一首

潘興嗣二首

楊甲四首

何耕三首

袁陟二首



御選宋詩卷第十三

五言古詩四

蘇轍

夜泊牛口

行過石壁盡夜泊牛口渚野老三四家寒燈照疎樹見
我各無言倚石但箕踞水寒雙脰長壞袴不蔽股日暮
江上歸潛魚遠難捕稻飯不滿盂飢卧冷徹曙安知城
市歡守此田野趣祇應長凍飢寒暑不能苦

江上早起

晨興孤舟上盥濯夜氣清整巾未遑坐雙艣輒已鳴日
出江霧散江上山從橫區區茅舍翁曉出霧氣腥收筒
御選宋詩卷第十三 蘇轍 一
得大鯉愛惜不忍烹持之易斗粟朝飢厭魚羹蕭蕭遠
風起泛泛野鴈驚忽過百餘里山水互變更逢舟問所
如彼此不知名超超江湖間殊勝地上行旦游市井喧
暮宿無人聲江上誠足樂無怪陶朱生

文與可學士墨君堂

虛堂竹叢閒那復厭竹遠風庭響交夏月牖散凌亂尚
恐晝掩關嬋娟不長見中堂開素壁蕭颯起霜幹隨宜
賦生意落筆皆蔥蒨根莖雜土石枝葉互長短依依露
下綠冉冉風中展開門視叢薄與此終何辨

和子瞻渦口遇風

長淮暮生風來自渦河口新舟雖云固波浪亦難受詩

來話艱厄驚恐及兒婦憶同沂荆峽終夜愁石首餘鷗
入幃幄跳沫濺窗牖平生未省見驚顧欲狂走邇來涉
憂患漸覺成老醜遙喜波浪中時能飲醇酒

玉女窗

巖竇有虛明曠曠發晴曉真人無儔匹窗下晨妝早門
開秋雨入室靜長風掃絕迹杳難尋朱顏未嘗老

次韻子瞻再遊徑山

我兄東南遊我亦夢中去徑山聞已熟往意穿雲霧夢
經山前溪足冷忽先渡舉頭雲峰合到寺霜日暮香廚
饌巖菽野徑踏藤屨平生共遊處蹇足躡高步崎嶇每
生眊眩晃屢回顧何年棄微官攜手衆山路得此詩後夢與
兄同遊山中故

御選宋詩

卷十三 蘇轍

二

篇為此

初入南山

自我來濟南經年未嘗出不知西城外有路通石壁初
行澗谷淺漸遠峰巒積翠屏互舒卷耕耨隨畝側雲木
散山阿逆旅時百室茲人謂川路此意屬行客久遊自
多念忽誤向所歷嘉陵萬壑底棧道百迴屈崖巘逶迤
嶮征夫時出沒行李雖云艱幽邃亦已劇坐緣斗升米
被此塵土厄何年道褒斜長嘯理輕策

和鮮于子駿益昌官舍八詠

桐軒

桐身青琅玕桐葉蒲葵扇落落下軒墀亭亭奉閒燕夜

聲疎雨滴午影微風轉秋飈一凌亂浙瀝驚蔥蒨朝日
失繁陰青苔覆遺片空使坐中人慨然嗟物變

竹軒

幽軒離紛華惟有一叢竹纖梢起餘寒紫筍散輕馥擢
榦春雨餘挺節秋霜足不知歲時改守此娟娟綠上有
吟風蟬空腹未嘗食剪伐非所辭不受塵土辱

柏軒

築室城市間移柏南澗底山林夙所尚封植聊自寄崎
嶇脫巖石擁塞出焚翳上承清露滋下受寒泉惠秋來
采霜葉咀嚼有餘味苦澀未須嫌愈久甘如齋

巽堂

御選文詩

卷三

蘇轍

三

山前三秦道車馬不遑息日出紅塵生不見青山色峰
巒未嘗改往意自奔迫誰言幽堂居近在使者宅俯聽
辨江聲却立睨石壁藤蘿自太古松竹列新植暑簟卧
清風寒樽對佳客試問東行人誰能同此適

山齋

平地厭喧囂虛齋上山足蕭條遠城市坡陀富林麓簡
書日填委杖屨每幽獨豈無山中士高卧白茅屋逢人
默無語長嘯響巖谷此室庶可招夜月相從宿

閑燕亭

登山稍已高曠望良亦遠危亭在山腹物景行自變諸
峰宿露收草木朝陽絢盪盪雲出山溜溜泉垂坂徐行

得佳處永日遂忘返此樂只自知傍人任嫌懶

會景亭

亭高衆山下勝勢不自收岡巒向眼盡風籟與耳謀
飛半嶺息雲起當空遊視身如乘風超然忘百憂
暮歸空中居唯見窗戶幽視聽隨物變恍誰識其由

寶峰亭

昔過益昌城暮登君子堂駕言念長道未暇升崇岡
今聞寶峰上縹緲陵朝陽三休引蘿蔓一覽窮蒼茫
微雲藹雙劍落日明故鄉奔馳迹未安山藪意自長
漂搖萬里外手把新詩章宦遊不忘歸何異鳥欲翔
塵土汙顏面年華侵鬢霜何時首歸路所至聊徬徨
樽俎逢故人御選宋詩卷一三蘇轍四

亭榭凝清先爲我具斗酒宿恨猶可償

徐州送江少卿

夜雨泗河深曉日輕舟發帆開送客遠城轉高臺沒
居人永瞻望歸意何倉卒公來初無事豐歲多年麥
鈴閣度清風芳樽對佳客登臨未云厭談笑方自適
朝廷念鯨老府寺虛清劇何以寄風流江山遶官宅

呂希道少卿松局圖

溪回山石間蒼松立四五水深不可涉上有橫橋渡
溪外無居人磐石平可住縱橫遠山出隱見雲日暮
不聞人世喧自得山中趣何人昔相遇圖畫入紈素
塵埃依古壁永日奉樽俎隱居畏人知好事竟相誤
我來再三

歎空有飛鴻慕逝將從之遊不惜爛樵斧

次韻轉運使鮮于侁新堂月夜

長愛陶先生閒居棄官後牀上卧看書門前自栽柳低
徊顧微祿畢竟誰挽袖索莫秋後蟬青熒曉天宿惟將
不繫舟託此春江溜尺書慰窮獨秀句驚枯朽遙知新
堂夜明月入杯酒千里共清光照我茅簷漏

子瞻惠雙刀

彭城一雙刀黃金錯刀鏤脊如雙引繩色如青琅玕開
匣飛電落入手清霜寒引之置膝上凜然愁肺肝我衰
氣力微覽鏡毛髮斑誓將斬鯨鯢靜此滄海瀾又欲戮
犀兕永息行路難有志竟不從撫刀但長歎投刀淚如
御選宋詩

卷三

蘇轍

五

次韻子瞻人日獵城西

將賢士氣振令肅軍聲悄晨登戲馬臺一試胡騾裹城
空巷無人里社轉相曉吾公庶無疾但恐園囿小荆榛
一焚蕩雉兔皆驚矯翩翩白馬將手把青絲挑少小事
邊徼斬刈輕茶蓼殿前賜鞍勒珂月明皎皎自言得所
事強暴無不了廟筭本詩書下策禁焚燎當令百鍊剛
甘就一指繞低回未嘗試坐被世人少秋霖一朝下凌
厲見鷺鳥爲君整驕情重立穰苴表

答孔武仲

飛霜委中林不廢長松綠驚風振川野未省勁草伏我
貧客去盡君來常不速愧君贈桃李永願報瓊玉我性
本山林苦學筆空禿驂騑塞康莊病足顧難逐錦文街
華藻敝褐非所續家有五車書恨不十年讀濟南昔相
遇我齒三十六談諧傾蓋間還往白首熟從君飲濁酒
過我飯脫粟西湖多莢亂白晝下鴻鵠城西野人居柴
門擁修竹後車載鴟夷下馬瀉醪醪醉眠卧荒草空洞
笑便腹疎狂一如此豈望世收錄別來今幾何歸期已
屢卜西南有薄田茅舍清溪曲耕耘三男子伏臘當自
足君能遠相尋布衣巾一幅

御選宋詩

卷三 蘇轍

六

登南城有感示文務光王適秀才

幽憂隨秋至秋去憂未已城南試登望百草枯且死落
葉投人懷驚鴻四面起所思不可見欲往將安至斯人
定誰識顧有二三子清風皎冰玉滄浪自湔洗竊脂未
嘗穀南箕倘微似網羅一張設投足遂無寄田深狡兔
肥霜降鱸魚美造形悼前失式微慚往士憧憧畝丘道
歲晚嗟未止西山有茅屋鋤耰本吾事

遊金山寄揚州鮮于子駿從事邵光

揚州望金山隱隱大如幞謁來長江上孤高二千尺僧
居厭山小面面貼蒼石虛樓三百間正壓江潮白清風
斂霽霧曉日曜金碧直侵魚龍居似得鬼神役我行有

程度欲去空自惜風吹渡江水山僧午方食波瀾洗我心
筍蕨飽我腹平生足游衍壯觀此云極鐵甕本誰安
海門復誰植東南逖隱見遙與此山匹茲遊幾不遂深
愧幕府客歸時日已暮正值江月黑顧視天水并坐恐
星斗濕使君何時罷登覽不可失

江州五詠錄一首

浪井

江波浮陣雲岸壁立青鐵胡爲井中泉湧浪時驚發水
性本無定得止自澄澈誰爲女媧手補此天地裂

葺居二首

南塘初一家隔絕歲月久開窗北風入爽氣通戶牖棟

御選定詩

卷三

蘇轍

許將

孫覺

七

梁未摧折斤斧聊結構非言事輪奐粗反昔人舊

竹林失蕃養春筍日瑣細草蔓半縈纏樗櫟互虧蔽已
令具刀鐮稍俟秋霜厲欲成林下飲更種東園地

許將

成都運司西園亭詩

飛閣出方池脩曲見空莽低臨花塢近平覺春波長返
景澄餘暉夕陰帶浮爽從容觀魚樂不減遊濠上

孫覺

雜詩呈逢原

鴻鴈最知時未逃羅與網不能忘稻梁千里安得往鳴
蝸腹空虛見啄因其響丹鳳穴九霄虞人常夢想

孔文仲

次韻錢穆父新涼可喜

霜颺結新寒草木起餘怨翩翩前庭葉追逐已千萬斜
陽背西僻迤邐落藤蔓安得金滿堂聊換酒家券追隨
雙鴻鵠擺脫舊籠圈胡爲汗流赭日與蠅爭飯常恐計
不就更以詩屢勸江湖秋水高百尺風帆健何當開竹
溪玉腕互酬獻左手持蟹螯平昔固有願

孔武仲

寄經父兄

我出亂山來兄入亂山去出山何必佳匹馬紅塵路入
山勿辭勤崎嶇與天鄰天門西北去石眼行車輪落盡
御選定詩卷一三 孔武仲 孔武仲
江南柳塞榆應如春去去何時歸天涯可寄衣天高鴻
鴈遠無使音信稀

雨中

大雨已滂流小雨仍霖霖風來掃欲斷雲送還相續沉
陰壓天宇蒸潤侵旅服隴上麥經秋江南梅已熟

晝息於林下

大暑涉長道前山後山深忽逢輪囷木投得數畝陰僕
夫六七人卧起且呻吟念爾亦大勞獨逸我何心

留題覽秀亭

平生愛溢浦亦復思匡廬恨無謝公屐日與佳景疎茲
亭特曠快一覽已有餘驟雨過軒楹清風來綺疏因懷

騎鯨客更欲凌空虛

落葉

落葉不到地隨風復飄揚凋殘北窗陰凌亂西日光時節如未已烏鳥情亦傷何事千丈松歲晚仍蒼蒼

戊辰雪

初臘趣亦佳窮冬雪還落晚風浙瀝響暮勢聯翩作餘寒逼觥筯遠景明池閣想像山陰人扁舟在寥廓

早起趨朝

山房客夢驚視聽兩清絕熏爐香寂寞半挂北窗月重城車馬動起坐俟明發華蓋望宸居煙飛隔雙闕

渡江

御選宋詩

卷三

孔武仲 孔平仲

九

扁舟凌朝陽匹馬渡江北志士豈懷居征夫樂行役東風吹高原生意密如織早晚謝塵鞍皇州正春色

孔平仲

初夏

初夏新雨餘蕭然風轉北芭蕉索索鳴庭戶有秋色清寒思挾纊向暑衫絺綌陰陽孰主張變態只頃刻幽軒暮支頤佳趣生靜默雲氣薄南山坐令蒼煙隔

夜入監中

欹枕汗如洗出門更已深長風萬里至河漢清人心芙蓉有佳氣楊柳搖疎陰秋聲繁促織月色動棲禽落魄衣忘帶逍遙髮懶簪聽從涼冷入一快直千金

暇日至家園

仕宦我已知退休不如早九江園地勝萬个竹色好每
到必裴回偷然寄懷抱於此築亭臺於彼植花草傍嶺
更栽松引池將漑稻經營各有處何日室遂考薄田方
待歲一雨洗枯槁指穀以易泉橐囊助傾倒茅茨若粗
完世路迹可掃南山多白雲臨望娛我老

月夜

平生最好月况此秋夜闌長風送蕩漾浩露洗團團仰
頭視虛空光采如可餐星辰斂芒角河漢收波瀾更無
微雲翳挂此白玉盤六合靜皎皎萬木涼珊珊爲爾廢
昏卧裴回更漏殘更登高處望歷歷見湖山爽氣集冰
御選宋詩
卷一三 孔平仲
十
雪清心生羽翰便欲御冷然因之遊廣寒一臨天池水
沐浴隨飛仙

九日獨登曹亭

重陽不見菊節物愈凋零性復不嗜飲對酒只如醒秋
堂靜便卧既起思殊清登高未免俗亦不造林垌屋西
連郡郭木末乃曹亭杖藜只獨往坐對南山青蕭瑟西
風高決滌滯雨晴斷雲見天色殘潦知地形遙峰落照
斂別浦暝煙生歸鳥向邨急孤舟當渡橫此時有佳興
乃惡聞人聲况令預尊俎而使聽竽笙嗟吾趣尚僻取
笑世上英豈宜濫簪紱但可老柴荆

夜坐菴前

人定鳥棲息，菴前聊倚闌。裴回明月上，正在修篁端。清影冰玉碎，疎音環珮寒。脩然耳目靜，覺此宇宙寬。人生甘物役，汨沒紅塵間。晏坐得俄頃，境幽心已閒。諒能長無事，自可駐朱顏。所以學道人，類多隱深山。

晚興

春雪弄微陰，晚色連細雨。阜角芽已長，瑞香花欲吐。雖寒亦料峭，稍霽即和煦。園林擬杖策，芳物行可數。

送謝仲規致仕

公年五十餘，鬚鬢黑如漆。朝廷方進用，未是挂冠日。又非力不任，數以身自乞。人疑狗虛名，今也踐其實。蕭然巢許姿，臭腐視冕紱。東南富人材，卿相近。間出急流能勇退，千古未有一賢哉。謝夫子，趣尚真不屈。騰裝嶺外遠，歸棹江邊疾。故鄉何日到，清暑坐華室。荔包雜紅紫，茶品分甲乙。歲時會親賓，左右列圖帙。回頭煙瘴地，揮手風波窟。天將勞以生，乃獨取閒佚。觀公矚宇秀，凜凜有道骨。當爲地上仙，不是籠中物。我亦素有心，賤貧嗟汨沒。鴻鷗羽翼成，高飛脫羅罽。鷓鴣未有巢，側目空自失。短章健公決行，且營蓬草。

曹亭獨登

問我當何之，曹亭蒼木外。江湖水方漲，曠闊吾所愛。微風撼晚色，爽氣回秋籟。楊柳隱官堤，芙蓉接公廨。白雲依山起，點綴若圖繪。何須招客遊，清興自吾輩。落日更

憑闌下看飛鳥背

寒食郊外

泔泔雨沉城浩浩泥沒轍四山氣如蒸萬里天欲雪我
時出郊垌山徑屢曲折雖懷顛沛憂亦有觀覽悅幽花
媚林薄粲粲生意發紅紫相後先各自有時節長松困
冰雪顛顛終不屈及今翠夭矯騰拔見筋骨陰陽有代
謝物性安可奪請視大塊中紛紛盡毫末興衰若鱗次
今古猶市閱只此晦與晴變態亦俄忽歸路日已煬披
襟滌初熱

泛漣水

漣漪二十里清淡得我性微風不復搖天水相與淨秋
御選宋詩

卷十三 孔平仲

十三

容入崖柳晚色依漁艇髣髴會稽遊南湖似明鏡

日出

仲冬十一月我行赴高密路出東海上晨起駭初日騰
騰若車輪只向平地出較於昔所見得此十之七蟾蜍
尚弄影皎皎橫參畢輝光一迸散夜氣掃若失扶桑想
可到俗慮苦難訖壯觀曾未厭側歎流景疾

出城

駐馬河之西送車皆已返郊原人漸少風物秋將晚身
如獨鳥輕意與青山遠

天門山

惟天莽蒼蒼乃立此門闕山本如城垣剖鑿中斷裂兩

峰競秀倚千古勢相夏大江方西來逼東不得洩瀦為
無底深散作萬頃闊想當割據時閉固孰敢發夕陽坐
荒亭詩思摹峭拔清晨放舟出回首見呀豁西涼尚局
促壯觀心頗缺安得呼化工努力更一握

冬夜

冬夜一何永幽房寂無侶青燈弄微風敗葉鳴疎雨淒
清角聲動悲散穿雲去展轉卧書帷羈愁欲誰語

米芾

題多景樓

欲雨氣不透庭梧有棲煙回首望北固雲藏淨名天呼
童速具輿憑高覽山川隱見豈不好開霽景固全須史
御選宋詩

卷十三

孔平仲 米芾

賀鑄

十三

江風流湛湛清露圓歸途知有伴華月上丹淵

賀鑄

閒情二首

青窗隱夕曛玉鬢紫苔春佳人久不見翠被銷檀熏長
中拂綠綺上有三年塵聊彈別燕弄寄謝陽臺雲
秋風動珠箔流塵汙鴛綺念昔合歡人兩心今萬里冰
霜變松竹况復如桃李欲寓相思文無多右軍紙

冠氏送武欽之安陽

黃金絡征轡之子待明發樽酒少遲留禪林見涼月歌
鬟結蛾黛怨此佳期闊去去柳堤風青蟬催白髮

遊雲龍張氏山居

有序

雲龍山距彭城郭南三里郡人張天驥聖塗築亭
於西麓元豐初郡守着山蘇公屢登燕於此亭下
畜二鶴因以放鶴名亭復爲之記亭下有小屋曰
蘇齋僻間榜着山所留二詩及畫大枯株亦公醉
筆也壬戌秋余初至徐張惠然見臨繼相招爲山
中遊

昔聞張逸民卜築雲龍山東望結遐想喜得彭城官一
語定襟契宛如平生歡招攜屬休沐投此蘿薜間女僕
候門巷青桂雙翠鬟蘇齋軒戶明餅火焚椒蘭寶墨鬼
神護清詩冰玉寒森然拱簷霽架石排琅玕東趨放鶴
亭磴道披茅菅指顧百邨落炊煙林莽間日脚射平陸

御選定詩

卷三 賀鑄

十四

兩山如斷環淒風振晚葉坐怯衣裘單引領紫霄極飄
颻如可干緬懷着山公五馬來遊盤酣興走顛筆蒼崕
即鑿刊年年仲冬月雪野雲瀾漫掃石坐舒嘯惠泉烹
鳳團當時詫盛集千古陋遠安俛仰迹遂陳斯人久泥
蟠我來後千日逸躡何由攀仰懷勝事往俯遵塵路還
山英能不辱時欸白雲關

秋懷二首

室邇人尚遠况乎千里間豈徒道路長重水復重山清
霜老芳物嘉樹不堪攀欲寄隴頭信春風殊未還
蕭蕭庭木落格格雞鳴惡荒簷日影斜飢貓捕黃雀窗
間養痾客起念秋園樂欲賦歸去來西風老藜藿

上已後一日登快哉亭作

上已信嘉辰流觴傳舊俗良遊悵不遂吏局方有屬東
風吹曉雨萬竅號林麓疑有泊舟人狂歌河女曲逾期
始澄霽物色如新沐城角趨危亭登臨慰幽獨紛華掃
不見胡蝶飛平綠竚倚窮夕曛悠哉此心目

燭蛾

雙蛾來翩翩慕此堂上燭附炎竟何功自取焚如酷感
彼萬動微保生在無欲不見青林蟬飲風聊自足
擬阮步兵夜中不能寐

夜久不成夢張燈開故書清霜屏雲物有月來庭除良
時悵難再不與佳人俱掩卷長太息望子城之隅

御選宋詩

卷十三

賀鑄

十五

遊雍丘燕溪分韻作

捨轡步平綠解衿俯清池微風度修竹瑟瑟生淪漪梨
華照晴影暖雪正紛披把酒久沉想况與玉人期

擬王少伯新興

西北雲悠悠東南日杲杲浪語問陰晴懸知行雨少桃
蹊換清陰夙昔一何好臨牖思茫然微風動萱草

東畿舟居阻雪懷寄二三知舊三首

舟路江淮永歲寒冰雪深戍期良敦迫王畿方滯淫疲
筋苦踰卧行樂長川陰雲物接平陸不見西飛禽風從
城闕來如聞鐘漏音昕霽更東邁區區子牟心

寒洛未澌結東趨江海深舟人警朝鼓斂緯逗長林林

端落滯雪沙際起鳴禽病客坐長歎攝衣涕流衿親朋
自茲遠可是慕山陰興盡莫回楫何人知此心

云云晴川流冉冉浮雲陰天寒日云暮魚鳥方潛沉吾
豈敢安隱東浮違宿心一官未足養老境行侵尋牛歌
感白石馬骨要黃金慙無子虛作萬里懸知音

宿法惠寺

在歷陽西南九十里戊辰四月七日訟事至順天
里越斗峴山冷泉澗薄晚投宿此寺寺三隅面山
而豁其西北竹樹邃密如不與人境相接庭中有
泉如輪清冽而甘跨山起小閣榜曰餘翠登望曠
快因賦是詩題其上

御選宋詩

卷三

賀鑄

十六

驅馬越飛澗揚旌下回岡歛見層浮圖高風振琅璫重
門壯且深老柏森然行佛子出延客投鞭步長廊中庭
汲新泉一飲生清涼孤坐興登覽危梯趨上方蕭蕭荒
竹林簷外如環牆樵牧斷行徑龍蛇知所藏山禽喜暄
鳴嘯侶何琅琅子規特殷勤使人懷故鄉引領落西北
暮色來蒼茫一官早見縻微尚久未償明發復東去斯
遊良不忘

宿寶泉山慧日寺

日入不遑息驅車更之東回蹊出蒙密解袂迎長風風
從何許來歷歷江南鐘頓響阿蘭若虛庭月正中流螢
逗深竹白鳥巢青松華燈耿翠箔瑤花擢春叢絕境美

清夜悅非塵界逢惜無一樽酒幸與之子同明發即南
北浮生兩飛蓬

曉度黃葉嶺東谷懷寄金陵王居士閒叟

陰谷不遇暑風松朝露零乳溪逗綠篠琴筑聲泠泠老
石清金碧窅然沉列星酌此石上泉餌彼松下苓條歛
振飛步豈徒制頽齡何須歷五嶽即蹈神人庭顧余方
有役俗駕不敢停寄昔采真子來卜白雲高

歷陽十詠 錄二首

采石磯

東西采石磯山水兩清絕漁舸與商舶今古幾沿越飄
颻翰林主長笑弄明月難訪物外遊飛雲渺天末

御選定詩

卷三 賀鑄

十一

桃花塢

種樹臨溪流開亭望城郭當年孟張輩載酒來行樂斯
人久埃滅節物今猶昨看取不言華春風自相約

金山遊

輕舸放中泠岸遠春風壯檝師俯仰呼天水爭簸蕩吾
方扣其舷聊賡小海唱稍回即東麓側磴聯屨杖危剝
表層巔疲筋躡牽強斜廊繚複殿魚脊分背向放目四
垠寬秋毫入吾望侵雲鐵甕壘崛起無緣傍映日海門
山不帶滄波上吾雖百石吏平昔有微尚俄得金仙徒
剪蘿開岫幌誓投桑榆年浮玉翁自况

金山夜集招米芾元章不至作

芳洲擷蘭珮清夜棲寶坊晚風駕飛濤柱石搖長廊微
月逗簷際助我燈燭光黃童天下才疊疊陳與章高歌
間險語捧腹屢哄堂惜無杯中物可以延楚狂興闌半
道去浪學山陰王明發吾將還滄波渺相望如何方外
徒漫仕煩官倉端爾涼秋節白雲來帝鄉

和潘函老漢上屬目

白雲蒙山頭清川山下流芳洲采香女薄暮漾歸舟並
蒂雙荷葉逢迎一障羞持情不得語大婦在高樓

鮮于侁

雜興

幽居觀物變天道固虛盈炎暵日方熾微陰一已生涼

御選宋詩

卷十三

賀鑄

鮮于侁

十八

風動野草桃李先飄零蜩螗集高柳絡緯響空庭愁心
獨耿耿宵夢竟難成

一氣斡元造為功未嘗煩羣生自委化天地復何言鳧
脛不可增楮葉不可鑄欲益固為損勞心非自然不見
平陽侯醇酒聊終年

新堂夜坐月色皎然由連理亭信步庭中徘徊
久之因為五言一首

秋風動微涼天雨新霽後閒齋獨隱几明月在高柳振
衣步庭下顥氣入襟袖天空雲漢明隱約辨列宿蒼蒼
松檜上零露霏欲溜脫葉滿閒園繁華迫衰朽清宵望
蟾彩宜付一杯酒多病謝尊壘城頭轉寒漏

靈巖

千峰環郡宇二水遶城堞每憐山水佳况復開巖穴川
流數里近放棹扳截竊靈巖駭神化環蔭數畝闊何人
營佛祠棟宇殆天設前軒瞰溪山眺聽心耳豁徑穿巨
水下碧玉聳高節涓流瀉石硤玉乳甘且潔其東乃小
巖洞户敞深徹嵌巖見石柱任重立精鐵昔人遇真仙
相攜觀貝闕川平聽雞犬始覺人世別屈曲沿青溪桃
花正開發塵緣念鄉縣歸思若眩涉寤寐瞬息間巖扉
已嚴鏑時遷等陵谷事勝存圖牒獨有滄江流青霄鑒
明月予來秋之季氣象頗凄切草木自變衰山川常活
潑清暉沃賞識異景差勝絕薄暮上歸艍依然望林樾

御選宋詩

卷三

鮮于侁

王欽臣

九

王欽臣

均慶寺

中原奠平陸奄徹豫封半鶩勢千里遙茲山屹東甸是
惟衆峰首天與隆左翰躡形卑附尊據體連復斷突然
誰積累更欲原剖判或言寰庭階出此礪壑畔名存標
舊今彩照形墀爛神英有餘事巖穴留偉觀一卧雖自
私光芒倚霄漢空林雲影晦遺廟丹青煥勝覽寄幽人
金軀燭華館高閣對閭閻清鐘警昏旦揆余負神費未
立遘憂患懷恩愧餘生于役侵歲晏登臨足悽泣眺迴
翻冗倦未知尚平樂寧思季子宦冰霜落青翠曖曖煙
嵐散迴環認遙嶺極目送征鴈徙倚在蒼崖孤懷增所

歎

郭祥正

寄題留二君儀田園碁石亭二首

錄一首

盤石發天巧新亭君所營
席展瑤琪滑坐久寒陰生
遠瀑曳脩幔他山列翠屏
水田白鷺下霜樹秋猿鳴
回首同安縣殘陽樓觀橫
不逢車馬來時愛牛羊
經童僕種刈畢父老樽壘傾
昇平信難偶歡笑聊舒情況
攻李杜吟字字無淫聲
春來成幾章想有碁石銘

聞砧

天潢轉斜白庭菊汎團露
紈扇辭玉織雲幄含幽素
濕螢遞疎牖寒蟬鳴外戶
南鄰發砧響涼夕敢虛度
不作御選宋詩

卷十三

王欽臣 郭祥正

二十

舞衣裳為君理繒絮邊磧多苦寒先秋寄征戍

秋扇

輕素裁團扇投君掌握中
為君却煩暑動搖挹涼風
一朝霜颺至羅幃衾被重
辭君且屏跡棄置隨蓬蓬
物理固如此用舍安可窮
願君千萬壽執熱還相逢

庭竹

眷此庭中竹羅生橫十尋
疎疎挺高節密密敷清陰
好風每相過流塵誰能侵
其下無蔓草其傍遠修林
結根自得所非高亦非深
誰復采笙簫玉宇思和音

同陳公彥推官登峨嵋亭

新亭彼誰構名因翰林揭
惟南極空曠朗詠佳興發
傾

蓋忘形骸輒莫歎華髮歸帆天外低度鳥雲端沒中原
崢嶸際天塹限楚越寧知承平來但見山花歇君相方
聖賢胡爲念京闕但窮林泉樂躡屐上嶠崒酒量孰先
降樽壘未云竭欲尋太白墳草間迷斷碣神交無古今
清氣來飄忽征轡還催人東峰挂寒月

郎官湖

李白以張謂
愛湖而名之

張公昔愛湖湖名自公始寥寥三百年逢秋愈清泚移
船菱荇香游魚數鱗尾回望武昌郭樓臺碧天裏石照
瀉靈光湖波皓如洗此景絕世無愛之心無已緬懷昔
賢期林表清風起終當歸結網來此養衰鄙

峰頂

御選文詩

卷三

郭祥正

三

登山不辭險探景須窮幽行徹五千仞回首視九州人
寰莽何處大野蒼煙浮更酌天池泉古意空悠悠

望牛渚有感

遙憐牛渚磯柳帶拖春綠歸思無時闌斷絃聲自續更
聽漁父吟悠揚寫心曲何人效斯人煙波洗雙足

戴氏鹿峰亭二首呈同遊

開亭面鹿峰白鹿每經過忽銜落花去還來卧青莎仙
者不可見孤峰但嗟峨踈篁映秀木好鳥鳴相和飛泉
灑天窓六月涼氣多賓朋四五輩飲酒朱顏醅瓊琳粲
明質芝朮芬長哦皆爲廊廟器偶會林泉阿礚溪與桐
廬回旋竟如何却笑晉右軍弄筆憐白鷺

未能騎黃鶴高飛出塵寰且來騎白鹿隱見蒼崖間誰
爲鹿峰亭名聞戴氏園仙者去已遠卷簾對青山秀木
染深塢鳴泉挂危欄春風生綠髻皓月頽朱顏賓朋合
簪履昆季芬芝蘭黃鶴安足騎白鹿不須跨但願有濁
酒長嘯此峰下醉醒醒復醉黃金任高價

讀陶淵明傳

我愛陶淵明超然遺世想一奏無絃琴妙曲寄元響脩
然聽以氣萬籟應諸掌舟車就所便丘壑信孤往泉涓
木欣欣酌酒助俯仰酣醉頽雲煙舒嘯逸羅網斯人孰
可見夢寐期髣髴兀如南山松亭亭植千丈

同留二君儀登高明軒

御選宋詩

卷十三 郭祥正

三

羈客厭卑濕登軒喜高明紅日簷下度白雲窗半生并
吞山川秀映帶樓殿平舟航濟吳楚笑語落蓬瀛春風
時一來百鳥相和鳴隔牆酒可沽千金爲君傾旣絕世
上趣雅遂林中情勿云暮靄合更待孤蟾升

題淨惠院

方塘水未漲荷芰新展綠游子愜輕衣步與孤雲逐初
臨寺外橋已聽鐘聲肅徐登山後亭蔥蒼翳松竹諸峰
却羅列龍蛇互奔觸紅綃卷晴霞白雲落孤鷺了然身
世忘豈念冠帶束平時謬持節善地甘厚祿更窮泉石
樂曾未申啓沃何日報君恩堯天漫凝目

池上晚景分得上字

秋風何處來蕭然洗炎瘴時要二三子臨池倒嘉釀逢
辰旣升平覽景又清曠寂無人世喧頗覺神魄王雪鷺
集滄洲金烏沒青嶂悠悠漁笛還漫漫潮聲漲黃蜂立
蓮葉赭鯉吹萍浪始信莊生言觀魚樂濠上

鳳凰驛

晚泊鳳凰驛得名知謂何鳳凰不可見篁竹空婆娑四
傍俱石崖一徑縈雲蘿慘慘陰欲雨淙淙澗跳波驛吏
指英州兩舍皆平坡久寒無瘴癘虛市饒雞鷺我行旣
已遠樂少憂常多過江紅葉舞度嶺黃鸝過時序逼衰
老羽翰驚網羅一夕得佳處休焉聊獨哦

宿歸宗寺

御選宋詩

卷三

郭祥正

三

曠懷王逸少宅地如翔鸞池水至今黑云是墨未乾施
作金仙宮樓殿排羽翰銀榜留飛鳥玉蜃吐驚湍耶舍
寶塔近筆插青雲端貝葉五千書兩藏龍鱗蟠鐘磬遍
虛籟松杉扶歲寒護持不變滅爐煙晝漫漫暫游寄僧
榻儵然心界寬愧無警絕草付與蒼崖刊

聽惠守錢承議談羅浮山因以贈之

久憶觀滄海喜君語羅浮浮從會稽來與羅相獻酬誰
欲通兩山鐵橋跨山頭笙簫響瑤臺佛仙棲石樓靈光
燭商舶七星被林幽飛泉難悉名異草香氣柔危峰聚
白鹿深塢眠青牛葛洪安期生遺蹤尚綢繆攀頂瞰海
水湛碧纔一甌不見波濤翻颺風駕龍虬又云朱明天

飄然落遐陬方廣吞五岳盤紆臨十洲不得預封禪自
起煙雲羞此理固難測勝境輸君遊君語洗吾耳我詩
瑩君眸羅浮杳何許爲我商聲謳

懷友

夕陽在窗戶涼風何處來微風泛庭柯蕭蕭歷空階抱
琴一寫之冰霜濺孤懷但惜對尊酌而無良友偕聊將
幽獨思滔滔寄長淮

七月八日要閻公達承議晚酌

河橋散靈鷲曜景逾佳期池華延舒月尚可傾一卮欲
以邀良賓秋事言淒其歲往豈再得綠髮含霜滋寓意
不在飲營駕君莫辭

御選定詩

卷一三

郭祥正

楊蟠

章惇

三四

楊蟠

就食

未知田上勞徒厭鼎中味及與農事接方驚食者貴余
生寡營求念此豈易致况敢懷寸祿平居但羞愧

章惇

紫閣山

我生山水鄉習得山中樂每觀唐人詩夢寐思紫閣欲
爲泰山行常苦道路邈君言舊曾遊使我心踴躍我今
旣西來二子滯天角雲山空在眼詩酒乖侑酢誰題辭
間詩歲久墨色薄人生定能幾當此感離索積靄浮青
口落日滿巖壑驪龍儼將駕顧我猶淹泊

潘輿嗣

師道

師道久不振小儒咸自私破崖求規角務出己新奇惻惻去聖遠六經秦火隳不有傳授學涉獵安所爲漢儒守一經學者如雲隨承習雖未盡模法有根基薦紳立朝廷開口應萬機附對皆據經金石確不移熟爛見本末較然非可欺吾願下學宮各立一經師務盡道德業不取章句辭庶幾昔人風炳然復在茲

逍遙亭

作亭名逍遙此理誠不虛寬于一天下原憲惟桑樞况我卜清曠風雨庇有餘方池容漱灑小徑足縈迂花木

御選宋詩

卷三

潘輿嗣

楊甲

五

頗窈窕松筠亦扶疎鳴蛙送鼓吹好鳥來笙竽可琴亦可詠可飲亦可娛盤雖無下箸賓食亦有魚恢論或申旦隱凡忘移晷困來展足眠醉倒從人扶率爾但付暢因煩而領無艱侯三萬軸方朝五車書棄置復棄置任自相賢愚無妨吾逍遙此樂誠何如

楊甲

與客遊滄浪亭得一字

霧回林蒼黃漲落水寒碧西郊好風景曉霽千里色相從二子灑掃溪上石主人信愛客沽酒炊玉粒揮觴一再行弄此竹間日跳波醉中舞野唱寒外急牛羊歸
惓惓鳧雁來一一頽然寄天放不受世褊迫永懷堂中

翁回首千歲跡豈無獨往願乃爲飢凍逼霜空洞庭野
天闊雲夢澤欲窮扶桑枝尚挂滄海席何當從茲去旦
暮生羽翼

合江泛舟

莫踏街頭塵寧飲城東水江邊放船去葦間問漁子岸
深魚有家鳧鴈在中泚得酒可以歌得樹可以艤年年
舟中客顏色不相似風波無前期遊者亦如此短篙醉
時策遠山卧後几老我不奈醒日落西風起

謁朱真人祠

一濯巖下溪再拜巖中庭清風蕭然來吹我衣上腥仙
人芙蓉冠乘月下雲駟山空雜珮響靜夜朝百靈寂寥
御選宋詩

卷三

楊甲

三

古壇外但見斗與星青山無行跡露雨空冥冥

遊長松寺宿石門僧舍以石門霜露白爲韻得
露字

疾風吹輕衣駕我雲脊路人間一回首驚絕不敢顧鳥
投虛無底渺渺不知處蜂窠蟻丘垤與世同所驚試看
一蒼莽誰有不平慮尚憐野僧屋佛面荒苔蠹斷崖劃
呀吻洶洶崩石怒我來得奇觀拄杖叩巖樹青山有驕
色斯客不能向平生二三子慰我一相遇娟娟松間月
幽夕亦可度夜闌更小語風逼遺響去酌君無多酒繼
以木蘭露

何耕

青羊宮

一再官錦城咫尺望琳宮未始得得來正坐役役中今
朝弄晴雨策蹇隨春風頗愛意象古停驂小從容縹緲
百尺臺突起凌半空憑欄俯脩竹決昔明孤鴻信哉神
仙宅不受塵垢蒙稽首五千言衆妙一以通靜觀萬物
復豈假九轉功區區立訓詁亦晒河上公癡人慕羽化
心外求鴻濛要騎白鶴背往訪青羊蹤

忘機臺

太虛生微雲機事日夕繁兼忘豈不佳尚有忘者存稽
首老龐翁妙處希一言請觀臺上月萬古無昭昏

題郭信可隱居雲溪

御選宋詩

卷十三

何辨 袁陟

三

幽居定何如頗恨未見之主人向我言喜色融融眉脩
篔流翠陰寒溪漾清漪領略非一狀幽妍發餘姿空濛
雨亦佳澹灑晴更竒豈惟二江獨意恐兩蜀稀主人信
妙士得此固所宜天公闕好景授受各有時豈無多田
翁偃蹇勢莫隨素交懷老蒲秀句紛珠璣安得招歸來
爲君賦清詩往者不可作後生欲何爲

公與蒲大受
爲平生詩友

袁陟

宿簡寂觀

名山崇秘祠終夜得清賞真氣溢空浮流泉隨砌響林
巒片月散殿閣高風行天際斗杓直庭中盤石橫
即陸高
真朝斗
石逸人今何之故嶺不改秀白鶴唳松梢青燈見崖竇

恍追汗漫駕深悟逍遙言四顧羣動寂真心歸灝元

再遊雲居

風吹嶺頭樹似欲招行客緣雲過絕頂復見紫霄宅平
觀三百里下視八千尺五老鎮相望西岫天與敵可笑
培塿羣亦自矜寸碧氛埃轉宇宙鴈鷺下川澤危亭據
中峰回抱竦天壁沉沉古帝坐左右列夔稷舉頭河漢
通直欲攀南極合奏天地籟兩耳清歷歷吁嗟萬類微
胡爲競朝夕安知太清上我方適所適尚思西巘路去
冬躡雙屐高興挹洪厓大句鼓天力到今巖壑間浩浩
起金石安得少陵翁物外講新格重來羈縶在欲隱世
累迫多謝受命松長存歲寒色

御選宋詩

卷十三 袁陔

三八

御選宋詩卷第十三

御選宋詩卷第十四目錄

五言古詩五

黃庭堅十五首

秦觀七首

晁補之十三首

晁詠之一首

晁冲之三首

張耒四十八首

陳師道十七首

范祖禹一首

蘇頌六首

御選宋詩

卷十四

目錄

御選宋詩卷第十四

五言古詩五

黃庭堅

古詩二首上蘇子瞻

錄一首

江梅有佳實托根桃李場桃李終不言朝露借恩光孤
芳忌皎潔冰雪空自香古來和鼎實此物升廟廊歲月
坐成晚煙雨青已黃得升桃李盤以遠初見嘗終然不
可口擲置官道旁但使本根在棄捐果何傷

別楊明叔

楊君清渭水自流濁涇中今年貧到骨豪氣似元龍男
兒生世間筆端吐白虹何事與秋螢爭光蒲葦叢

御選宋詩

卷十四

黃庭堅

一

次韻曾子開舍人游籍田載荷花歸

維王調玉燭時夏雨我田壁挂蒼龍骨溜渠故濺濺三
推勸根本百穀收阜堅官司極齋明崇丘見斥煙繫馬
西門柳憶聽去夏蟬剝芡珠走盤鉤魚柳貫鮮埽堂延
枕簟公子氣翩翩自爾欲繼往阻心如壅泉紫微樂暇
日披襟詠風連紅妝倚荷蓋水鏡寫明蠲美物亦有實
翦房助加邊珠宮紫貝闕足此水府仙鬱鬱冠蓋宅追
犇易彫年能從物外賞真是區中賢仍聞載後乘籠燭
照嬋娟

拜劉凝之畫像

棄官清穎尾買田落星灣身在菰蒲中名滿天地間誰

能四十年保此清淨退往來澗谷中神光射牛背

子瞻畫叢竹怪石伯時增前坡牧兒騎牛甚有意態戲詠之

野次小崢嶸幽篁相依綠阿童三尺箠御此老叢石吾甚愛之勿遣牛礪角牛礪角尚可牛鬪殘吾竹

子瞻詩句妙一世乃云效庭堅體蓋退之戲效孟郊樊宗師之比以文滑稽耳恐後生不解故以韻道之

我詩如曹鄴淺陋不成邦公如大國楚吞五湖三江赤壁風月笛玉堂雲霧窗句法提一律堅城受我降枯松倒澗壑波濤聽春撞萬牛挽不前公乃獨力扛諸人方御選定詩

卷一四 黃庭堅

二

次韻吳可權題餘干縣白雲亭

曩誰築孤亭勝日有感遇永懷劉隨州因榜白雲句遺老不能談歲月忽成屢綠陰斤斧盡華屋風雨仆吳侯七閩英宰縣有真趣絃歌解民愠根節去吏蠹材收佛宮餘工有子來助屢成燕雀賀水滿鳧鴈翥四海名士來一笑佳客聚雲興碧山留雲散清江去斯須成蒼狗皆道不如故至人觀萬物誰有安丘處寄語吳令君但遣糟牀注

三月辛丑同徐靖國到愚溪過羅氏脩竹園入

朝陽洞蔣彥回陶介石僧崇廣及余子相步及
余於朝陽巖徘徊水濱久之有白雲出洞中散
漫洞口咫尺欲不相見介石請作五字記之

意行到愚溪竹輿鳴擔肩冉溪昔居人埋沒不知年偶
託文字工遂以愚溪傳柳侯不可見古木蔭濺濺羅氏
家瀟東瀟西讀書園筍茁不避道檀欒搖春煙下入朝
陽巖次山有銘鐫蘚石破篆文不辨瞿李袁嵌竇響笙
磬洞中出寒泉同遊四五客拂石弄潺湲俄頃生白雲
似欲駕我仙吾將從此逝挽牽遂回船

同宋景瞻分題汴上行

東風何時來堤柳芳且柔河冰日已銷漫漫春水流寒
御選完詩 卷一四 黃庭堅 三
梅未破萼芳草綠猶稠歲月不我還念此人生浮高車
無完輪積水有覆舟鹿門不返者誰得從之游

過家

絡緯聲轉急田車寒不運兒時手種柳上與雲雨近舍
傍舊傭保少換老欲盡宰木鬱蒼蒼田園變畦畛招延
屈父黨勞問走婚親歸來翻作客顧影良自哂一生萍
託水萬事雪侵鬢夜來風隕霜乾葉落成陣燈花何故
喜大是報書信親年當喜懼兒齒欲毀齒繫船三百里
去夢無一寸

元翁坐中見次元翁到和孔四飲王夔玉家長
韻因次韻率元翁同作寄湓城

雨罷山澤明日長花柳困游絲上天衢觀物得無悶時
從顧曲人筍饌酌春醞季子未識面想見眉目俊新詩
如鳴絃快讀開鄙吝銅官魯諸生仕道三無愠比來工
五字句法妙何遜枯棊覆吳圖青簡現秦燼葉暗黃鳥
時風號報花信遙仰吟思苦江錦割向盡應煩王公子
又破黃金印

寄陳適用

日月如驚鴻歸燕不及社清明氣妍暖疊疊向朱夏輕
衣頗宜人裘褐就橈架已非紅紫時春事歸桑柘空餘
車馬跡顛倒桃李下新晴百鳥語各自有匹亞林中僕
姑歸苦遭拙婦罵氣候使之然光陰促晨夜解甲號清
御選宋詩

卷十四 黃庭堅

四

風即有幽蟲化朱墨本非工王事少閒暇幸蒙餘波及
治郡得黃霸邑鄰陳太丘威德可資借決事不遲疑敏
手劈秦華頗復集紅衣呼僚飲休假歌梁韻金石舞地
委蘭麝寄我五字詩句法窺鮑謝亦歎簿領勞行欲問
田舍相期黃公壚不異秦人炙我初無廊廟身願執耕
稼今將荷鋤歸區芋畦甘蔗觀君氣如虹千輩可陵跨
自當出懷璧往取連城價賜地買歌童珠翠羅廣廈富
貴不相忘寄聲相慰藉

讀方言

八月梨棗紅繞牆風自落江南風雨餘未覺衣衾薄辟
蟲憂寒來催婦織衣著荒畦杞菊花猶用充羹臠連日

無酒飲令人風味惡頗似揚子雲家貧官落魄忽聞輶
軒書澀讀勞輔齟齬虛堂漏刻間九土可領略願多載酒
人喜我識字博設心更自笑欲過屠門嚼往時抱經綸
待價一丘壑卜師非熊罷夢相解靡索所欲我未奢儻
使耕可穫今年美牟麥廚饌豐餅飴摩挲腹中書安知
非糟粕

曉放汴舟

秋聲滿山河行李在梁宋川塗事雞鳴身亦逐羣動霜
清魚下流橘柚入包貢又持三十口去作江南夢

發舒州向皖口道中作寄李德叟

黑雲平屋簷晨夜隔星月曉裝商旅前冰底泥活活野

御選宋詩

卷十四

黃庭堅 秦觀

五

人侵畔耕蹇馬不能滑駝裘惜蒙茸俱落水塘缺孤邨
小蝸舍乞火乾履韞前登極崢嶸他日飛鳥沒寒花委
亂草耐凍鳴風葉江形篆平沙分派回勁筆髯弟不俱
來得句漫奇崛却望桐安城唯有松鬱鬱遙知浦口晴
諸峰見明雪

秦觀

田居四首

錄一首

入夏桑柘稠陰陰翳虛落新麥已登場餘蠶猶占箔隆
曦破層陰霽靄收遠壑蝨卧淪漪鮮飈泛藪薄林深
鳥更鳴水漫魚知樂羸老厭煩歎解衣屢盤礴蔭樹濯
涼颺起行遺帶索冢婦餉初還丁男耘有托倒筒備青

錢鹽茗恐垂橐明日輪絹租鄰兒入城郭

春日雜興十首錄二首

飄忽星紀徂青陽迫遲暮鳴飛各有適赤白紛無數雨
砌墮危芳風軒納飛絮寒帷香霧橫岸幘雲峰度林影
舞窗扉池光染衣屨參差花鳥期蹭蹬琴觴趣撫事動
幽尋感時遺近慕秣馬膏余車行行不周路

東方有美人容華茂春粲抱影守單棲含睇理哀彈聲
意一何切所歡邈雲漢徒然事膏沐孰與徂昏旦微誠
浪自持嘉月忽復晏巧疇度虛樞飛紅觸幽幔歲歲芳
草滋夜夜明星爛合并會有時索居不必歎

和孫莘老題召伯斗野亭

御選定詩

卷十四 秦觀

六

淮海破冬仲雪霜滋不平菱荷枯折盡積水寒更清輟
棹得佳觀湖天繞朱甍信美無與娛濁醪聊自傾北眺
桑梓國悠然白雲生南望古邗溝滄波帶蕪城邨墟翳
茅竹孤煙起晨烹簷間鳥聲落客子念當行攬衣視日
景薄陰漏微明何時復來遊春風發鮮榮

陪彥瞻遊金山和子由詩

江流會揚子洶洶東南驚海門劃前開金山屹中據鼓
鐘食萬指金艫棲千柱夜庭遊月波曉觀搏香霧天清
猿鳥哀風暗魚龍怒雲物橫古今濤波閱晨暮三州氣
色來上下端倪露偉哉元氣間此勝知誰聚念昔憩精
廬登臨輒忘去汲新試團月飯素羹魁芋妙興入芳藤

眞境在芒屨別來星暑換寤寐經從處忽蒙珠璧投了
與雲巒遇幽光炯肝肺爽氣森庭戶區中多滯念方外
饒奇趣寄語山阿人冷然行復御

同子瞻端午日游諸寺賦得深字

太史抱孤韻暢懷在登臨別乘載鄒枚佳辰事幽尋參
差水石瘦窈窕房櫳深清磬發疎箔妙香橫素襟復登
宰堵波環回矚歛峯雙溪貫城郭暝色帶孤禽涼颺動
爽籟薄雨生微陰塵想澹清連牢愁洗芳斟揮筆訂往
古援毫示來今愧無刻燭敏續此金玉音

海康書事十首錄一首

荔子無幾何黃柑竟如許遷臣不惜日恣意移寒暑層

御選定詩

卷一四秦觀晁補之

七

巢俯雲木信美非吾土草芳自有時鸚鵡何關汝

晁補之

冉冉孤生竹

冉冉孤生竹託根中谷卑結髮事君子江籬近華池江
籬榮有時迨此春冰期玉盤有佳殮思君以忘飢棗下
何纂纂朱實亦離離秋風一披拂苑其爲枯枝願垂太
陽惠照妾葵藿微

涉江采芙蓉

涉江采芙蓉江上零露滋方舟不能度日暮白蘋悲清
波有鳴鴻蕩漾安可期幸因南風逝寄言欽所思

虛齋

虛齋閉疎窗竹日光耿耿更無司業酒但有廣文冷人
憐出入獨自喜往還省時作苦語詩幽泉汲修綆

直舍即事

秋雲多重陰凌旦亦可樂虛齋坐亭午寒雨依高閣王
官有憂責霖潦河未落孝先但欲眠不奈弟子諶黃花
迫晚景白露下叢薄獨當慰佳節得酒自斟酌

和蘇翰林題李甲畫鴈

畫寫物外形要物形不改詩傳畫外意貴有畫中態我
今豈見畫觀詩鴈真在尚想高郵間湖寒沙璀璨冰霜
已凌厲藻荇良瑣碎衡陽渺何處中沚若煙海

晁說之

御選定詩

卷十四

晁補之

晁說之

八

六月五日池上

蒼然暮色來初月光尚微河漢亦不高仰看天四垂衆
星亦何多粲若天圍碁忽驚毛骨清溥露霑我衣放杯
折荷花中有千丈絲織爲芙蓉裳可作江湖歸

麥

層雲挾雨來四郊樹木蒼東風吹春泥尚帶花藥香年
華不可駐倏見夏日長近傳陵陂麥宿昔青已黃鄰舍
思煮餅隔牆聞沸湯里胥忽在門先當輸官倉

從宋憲登萬景樓

勝地開傑觀大川壯重關使者領我來共此須臾閒玉
節照綠野銀瓶落青綸酒酣望八極氣豪吞百蠻俯歸

二江水遠指三峩山遂令蒼茫外盡在顧盼間崔嵬凌雲寺繚繞含風灣洲渚逶隱見煙霞渺爛斑靜看浮鷗沒坐數昏鴉還作者必磊落後來莫能攀不減鶴鵲樓可想熊豹顏下有安樂園惜哉半荆管誰其爲起廢歎息歲方艱

遠望

山近色未佳山遠看始好我居巴峽內所向苦奔峭清晨望西南忽盡牂牁徼時於蒼茫外寸岫出林表雲來翳遙碧眇眇沒飛鳥方知勝絕處略已領其要何必親躋攀辛勤事幽討平生謝康樂往來永嘉道此意當未知躡屐空至老

御選宋詩

卷十四

晁說之

九

樂溫道中

路經新峰驛薄暮聊解裝頽垣生秋草庭廡亦已荒北風吹空林宰宰葉隕廊夜寒不能寐起坐心彷徨出看天欲明疎星淡無光征夫稍速駕起拂車上霜墟中始辨道迢遞征途長樹色共空闊晨光尚蒼茫雞鳴始知邛漸覺暎朝陽青煙出林際滯穗或在場感茲田舍樂慨然懷故鄉黃金百鎰盡失落徒悲傷

秋日送客梁山道中

白露下木末寒蛸抱枝鳴道旁幾官樹稍稍栖鳥驚不知何爲爾蕭瑟來秋聲遙山斂暝色涼月含空明吾其及清夜登車可徐行露幘受新爽風襟濯輕塵兀兀寄

殘夢泠泠析餘醒東行二十里斗落參復橫晨光明紫霞銀潢淡疎星吾行不可緩曉復塵沙生

合江縣舟中作

春江漲滿流漸沒灘上石是時三日霖隴麥半腐黑四顧雲氣昏江樹生遠色蒼茫何所辨目盡千頃白汗漫若無際空濛如有靚蕭蕭雨中帆正此遠行役馮夷喜我至歸路風愈力中流浪爲開蕩漾放舟入恍疑瀟湘游白蘋了無跡故人樓中望天際應可識

梅

微陽回孤根霜雪破餘凜顏紅發春鮮膚粟憐夜永輕風送幽香缺月散清影寒鳥忽飛來伴此一枝冷

御選宋詩

卷十四 晁說之 晁詠之 晁冲之

十

晁詠之

初行山

靄靄初蒸雲落落欲墜石山深多晚花照水自紅碧魚艇入煙小松竹凌煙直西風漾碧波扁舟恣欹側客從北方來苦遭世俗迫登臨雖夙願山川多未識浩蕩涉寒流躋攀並蒼壁捫蘿窺鳥道踏逕窮人迹清泉洗塵心山鳥慣幽客逸興良未已日下千崖赤十載孫興公好具登山屐

晁冲之

送王敦素

先君有六女所託皆高門季也久擇壻晚得與子婚子

家望海內實惟謫仙孫筆力有家法勢作風雷奔結交
多英豪坐致名譽喧憶昔識子初河流出崑崙中間一
再見騏驥始伏轅去年接同居底裏見所存磊落忠義
人愛國憂黎元使當元祐時密勿與討論上可參廊廟
下可裨諫垣惜哉不遇知白髮早已繁卑官不可說感
激猶主恩爛熳有歸期繫舟古槐根祖餞無酒食贈遺
請以言子家鍾山下隨事有田園竹徑背古寺草堂面
江邨高軒納翠微脩筒引潺湲林影散書帙山色搖酒
樽日飲建康水時登謝公墩沉酣左氏學浩蕩極辭源
客至勿多語欲吐且復吞書來無恩恩慰我別後魂

次韻集津兄會羣從王敦素宿王立之園明日

御選宋詩

卷十四

晁冲之

十一

西征馬上寄示諸人

以道嘗監陝
府集津倉

秋高訪幽居風急桑未落天寒雞犬靜地僻門巷闔主
人避世賢自說久栖泊呼兒出樽壘梨栗亦不惡賓主
四五人談笑動林薄夜闌慘無懽離憂條中作兄也天
下士千金輕一諾揮斥楊墨徒正是鄒魯學如何但銀
魚生事了無託惜哉桃李姿見笑葵與藿雞鳴驅車行
令人意參錯

雪效柳子厚

月落雞聲寒曉色靜茅屋開門驚不知夜雪壓脩竹槎
牙生新冰鱗甲刻溪谷晶晶洲渚明冽冽川原肅孤蹲
雀不動沉酣客猶宿呼童晨汲歸獨漱寒泉玉

張耒

鄙性嗜酒親友所知也紹聖丙子得官明道寓
居宛丘職閒無事終日杜門人知其好飲或饋
之酒不問寒暑日輒數酌飲雖不多而樂則有
餘因讀淵明飲酒詩竊愛其文詞而慕其放達
因次其韻嗟予與淵明神交於千載之上豈敢
論詩哉直好飲者庶幾耳得詩一十九首

錄二首

我欲常飲酒俗事苦奪之飲酒不得醉何如未飲時顛
倒衆譏笑佳處正在茲念此雖杜門濁酒日常持
處樂非縱情處靜非避喧豪夸與枯槁彼各據一偏悠
然獨樂處在我不在山羲皇迹已遠三酌呼可還一尊
御選宋詩

卷十四

張耒

十三

每獨睡不待賓客言

莎雞

金風肇殘伏玉樹先秋涼嚶嚶草間蟲感時振衣裳楚
客萬里思夜吟怨藜牀勞勞終夕語共此簷月光孤輪
曳獨繭折管韻哀鏘辛苦函父兄無衣畏風霜

宿虹縣驛

長堤溢舟車上下無暫歇煎熬古驛門聒聒爭瑣屑東
南淮浙富輸饋日填咽楚風習喧卑吳舌動嘲嗒平生
耽靜意投鬧劇含噦况茲道路勤強食慰飢渴年來嵩
洛興久與泉石結終當卜吾廬雲山對華髮

發岐亭宿故鎮三首

我別竟陵時楚稻如碧絲秋風發齊安稻穗如植旂流
年去荏苒客路何逶遲弛擔中林下永負山中期
乘月入秋山月午山蹊靜森森松竹林夾道散踈影陰
風留暗壑白露蒙朝嶺耿耿邛雞鳴坐感單衣冷
征人不敢安葦食待明發潤衝石上雲冷踏松間月艱
難付一笑歲月驚屢閱偃亞道旁松茯苓應可掘

獨遊東園

清曉步東園獨遊悵無侶菰蒲綠已深鷺戲春塘兩取
酒就花傾隔林邀客語歸來春興闌睡起日亭午

次韻曾存之官舍種竹

曾郎風塵外不似宰官身吏舍數竿竹鑿池水粼粼此
御選宋詩

卷十四

張耒

十三

君不可踈亦復未易親虛心澹相授頗似南郭鄰我知
王子猷正是君輩人

白樂天有渭上雨中獨酌十餘首傲淵明余寓
宛丘居多暇日時屢秋雨傲白作得三章

錄一首

罷官卧窮巷值此雲物秋連延經旬雨城市欲行舟柱
礎變坳堂瓦溝成暴流蕭然殘暑退寒事戒衣裘老人
朝睡足起坐梳白頭呼童飭晨餐薪濕爨婦愁洗我朱
提杯不復具有羞一觴已徑醉萬事良悠悠

臨文

一病廢百嗜好文心未忘南窓納虛明羅列陳縑緜茫
昧考巢燧典章斷虞唐清妍進屈景雋永旌蘇張少狂

不自料遇事形文章誤逢作者歎固復力披攘蹉跎生
白髮始抽石室藏粗見漢家事濡毫時否臧文詞比工
祝不殊公卿行何用疲心精舍本棄耕桑讀賦意凌雲
律令尊張湯榮華繫遇合才技無短長頗師老氏術抱
朴和其光無營以卒歲刻意翰墨場

寓陳雜詩

清夜何晏晏客睡亦復佳鄰鐘喚我覺咽咽聞城笳披
衣行中庭星漢已橫斜缺月挂西南皎皎流清華莎雞
振其羽蟋蟀旁悲嗟悠哉歲已秋日月如奔車

疲馬齧枯草閉門苔蘚深閒坊居人少秋日疎槐陰境
寂心亦閒蕭然散巾襟靜中有深趣因見至人心谷神

御選宋詩

卷十四

張耒

十四

古不死茲理良可尋無令兒輩覺一撫無絃琴

念昔爲吏日朝夕羨人閒解印出公府翛然若歸山衡
茅三畝居無客門常關早眠而起晏永日或不冠故人
遠寄酒爲致一醉歡我亦領其意呼兒具杯盤長閒貧
亦好安用朱其轡我生本蓬蓽久已傲飢寒

古意效東野二首

與君雖異坊和涼各平分已遣月入牖更教風掃門照
君幌中寢拂君堂上塵綢繆似衣帶終日遶君身
扇不風自涼身不蘭自香深居不出闕幽獨更清揚爲
鵲栖君樹爲燕巢君堂不食亦可飽况乃餐輝光

沈丘道中

霏霧沉遠星芳林語春鳥客眸帶餘睡馬力健清曉凝
煙披草際初日動林表心隨和風快興與飛雲杳芬菲
悵已晚夏陰生桑棗慷慨一據鞍此懷殊未了

寄參寥

春風入楚鄉與子別經歲有客過我門攜君尺書至昔
我出京師倉皇省家事遂令千里別不一執君袂又聞
子亦行杖履苦飄駛雖成相思詩欲寫不可寄飄飄山
水夢時與飛錫值乃能以書來知子猶我記浮雲隨高
風聚散未可計遲君冰雪詩濯我塵埃思

旦起

漫漫東牖白開帷納晨光欠身推夜枕扣齒披朝裳瓦

御選宋詩

卷十四

張耒

十五

盃汲石泉漱濯齒頰涼惟茲孟夏初宿雨清高堂栖鳥
起且啁露鷺鳴更藏悠悠晚花殷落落古柳蒼西舍初
鳴春東鄰出求糧客馬已別櫪商車欲踰岡羲和一揚
輝羣動皆擾攘有生無不求誰得偃於牀人生但如此
勤苦亦可傷况我病倦翻飄飄信風翔永懷中林士栖
志煙霞鄉願言寄旅跡栖託以徜徉

和周楚望

宿雨生曉潤繁雲滋暑陰我居廢不葺常苦積雨侵果
墜厭風惡草沉知潦深拳拳抱幽歎耿耿嬰煩襟吾子
久不來幽居誰見臨飄然得秀句生我江湖心一官亦
漫爾勤苦安能任何當捨之去拂我塵埃琴飢寒仰五

斗求尺而亡尋悲哉復契闊誰復知我音

秋日晨興寄楚望

夜雨霽清曉浮雲散涼川幽人理青髮汲彼古井泉焚
香展素帙持珠諷妙言晨暉淡悠悠揚秋霞麗紺天萎花
開露餘孤葉零風前感此芳節晚長嘯心悠然傾觴散
滯念餐菊留華年牢落歲暮心非君誰與宣

感秋呈宏父兼呈楚望

西風吹我舟繫纜岸邊柳蕭蕭落船葉日夕煩我帚心
驚芳歲晚日月去如走搔吾髣間髮少壯寧復久平生
拙謀身辛苦爲五斗苟逃飢寒憂不敢擇所受心因摧
折低面苦塵埃垢躑躑警前勇俛俛蹈新揉功名委之
御選定詩

卷一四

張耒

十六

命寧足計薄厚獨攜古人書千古相獻侑我烹亦有魚
我酌亦有酒非求與俗違聊以安吾守

西風中夜來飛雨隨以至攬衣不能眠起坐爲涕泗炎
蒸雖云酷香草猶可佩清商來無情凋我蘭與蕙伊伊
草蟲悲裊裊露蟬嘒高粱燕如客鍛翮鷹方鷲乾坤今
無心萬物隨一氣如何於其間感愴坐自累置之勿復
道得酒但知醉陶然杯杓間瀟灑無餘事

浮雲無停陰急雨來清秋颯颯水上風吹我千里舟二
年客淮楚乞米充飢喉空堂堆詩書冷落妻子羞操舟
今何之漫浪爲西遊豈不厭奔走貧賤無良謀人生天
地間如萍水中浮安得必所往南北但隨流達者知其

然委已任去留止若寄渚鴈行如浮海桴萬物本無事
百年漫多憂冥懷付造物俯仰余何求

西華道中

我行陳許郊千里平若掌居民雜荆榛耕少地多曠野
兔乍跳奔驚鳶或高颺喬林多疾風寒澗有餘漲棘籬
蔽茅屋雞犬入邨巷主人掃土榻秣馬具朝餉童兒汲
土井敗飯堆瓦盃勿悲爲生陋自足無他望嗟予走薄
宦奔走年將壯長抱羈旅愁何時稅歸鞅

感春

默坐不復出浮雲作朝陰離離簷間花隨雨下故林物
色一如此朱顏坐彫侵自歌陽春曲吾不待知音

御選定詩

卷十四 張耒

七

午日步西園繁花亂相照天天海棠枝顧我如欲笑殷
紅點輕素含吐皆窈窕持贈東鄰子願言論久要

秋池

平生落莫意况此秋池側寒水靜無波衰荷萎餘碧蕭
蕭動風鬢照影感新白來往雙浴鳧爾生真自得

月夜懷陳永源

衆諠息遙夜爽氣清煩襟慙慙低簾月入幌來相尋平
生學虛靜每爲多病侵卧想陳夫子幅巾脩竹林

十月二十二日晚偶作

黯黯東牖暗寂寂吾廬閒麤糲飽婦子首蒼無餘盤鴈
急天欲雨雞栖夕已寒老人袖手坐一杯聊自寬

喜雨

手種五芭蕉，意待聽秋雨。南風扇旱雲，破葉萎不舉。滂沱未終夕，綠潤遽如許。秀色入書幃，已覺青鸞舞。牆東有高樹，夏葉圓綠綺。西風纔一夕，蕭颯遽如許。寒蟬號其顛，蟋蟀曉未已。羣動催流光，榮華難久恃。

三伏暑甚七月八日立秋是日風作爽涼炎酷頓消老病欣然乃命酒成此二詩

錄一首

西風吹淡白，窗戶含淒清。炎涼一朝變，徂暑逝不停。山堂曉瀟灑，病叟中葛輕。平時干雲樹，芳葉亦復零。

離黃州

扁舟發孤城，揮手謝送者。山回地勢卷，天豁江面瀉。中

御選宋詩

卷十四 張耒

文

流望赤壁石，脚插水下昏。昏煙霧嶺歷歷，漁樵舍居夷。實三載鄰里，通假借別之。豈無情老淚，爲一灑篙工。起鳴鼓，輕櫓健於馬，聊爲過江宿。寂寂樊山夜。

宿樊溪

黃州望樊山，秀色如可鑒。扁舟橫江來，山脚繫吾纜。大川失洶湧，淺水澄可攬。北風吹疎雨，夜枕舟屢撼。齊安不可望，滅沒孤城暗。奔流略溪口，龍脣屢窺瞰。平生千金質，戒懼敢忘暫。茲遊定何名，耿耿有餘念。

道士磯

匡廬奠九江，苗裔遍南服。橫江蔽原野，內外實一族。危磯插江生，石色擘青玉。蛟龍穴亂石，猱攫在喬木。我行

季冬月江磧在山腹扁舟如鏡面清淨不可觸躋攀既不可千古長幽獨緬想邃古初巢居戒樵牧

離樊口宿巴河遊馬祈寺

扁舟下樊溪江南正清瀉曉登巴河岸極目望春野步尋修竹寺古木爭偃亞云昔孫仲謀刑牲致師禡雄圖邈已矣英槩足悲吒石梯造雲霧丹白開廣厦山僧安寂莫畏冷不出舍勞生渴閒境頓使我心寫晚江平若席風勢欲相借

晚歸寄無咎

雨氣入古屋薄帷生夜清想君擁鼻坐端學苦吟生泥深欺我馬歸卧日半楹浩然有奇想非子定誰評

御選定詩

卷十四

張耒

元

挈家同潘郎遊寒溪西山二寺并寄邠老

茲行頗閒適聊此山水間幸有所攜人臭味同一源山蹊并脩澗嘉木間蒲蓮杉松開古剎始覺此溪寒孤亭出屋背石磴相牽攀迎客窮道人俯僂鬚蒼頡釋子具粗糲雖貧有餘歡午登西山去路作九曲彎山禽慣不驚夏木秀且繁緬懷紫髯公奠玉祠天壇豪強有餘韻興廢無留觀空巖一泓泉引余掬清甘至人悲熱惱遺此消昏煩我茶非世間天上蒼月團爲爾惜不得烹啜澆晨餐深谷晚易陰快雨時斑斑但見夾道松龍髯濕蒼顏念我亦顏人亦顏邠老書齋名深居閉柴關不使倒珠玉濟我胷中慳之官亦漫浪遇勝却盤桓平生據頑鈍信命

傲憂患言歸徒旅疲就蔭休征鞍

書館直舍

紫禁斷人聲蓬山轉春日樓外晚鼓傳城陰衛番出循
除擷新秀紅紫間疎密倚天黃金闕龍虎氣鬱律明時
職鉛槧寓直守編帙疎閒謝裨補歲月感飄忽謝公山
林賞不為軒冕屈體道無朝野達情慙利物

秋日獨酌懷榮子邕

新秋一杯酒風雨早凉天眷言西鄰友咫尺莫能前豈
無病羸馬泥滑不勝鞭端居何爲者落莫掩書眠高柳
颯已疎碧草留餘鮮衰懷感徂節客舍悲流年孤吟誰
與和獨酌還醒然新晴野路乾期子舍南邊

御選宋詩

卷一四

張耒

二

夜初凉

庭木舞風雨清秋來我堂衾裯偃宵寐燈火照新凉昔
我來清潁庭花有晚芳坐看桐葉暗已近菊枝黃歲月
忽流駛形骸變老蒼淹留應有命通塞詎能量寂歷年
華晚優游永日長憂時非我事黃卷有虞唐

出長夏門

出郭心已清青山忽相對游人傍水流俯仰秀色內誰
張蒼玉屏中斷神斧快清伊瀉其間銀漢曳天派參差
樓觀出杳靄林麓邃巖聲答遠響水影弄空翠同遊得
君子同榮
教授興與煙霞會選勝雖自茲高懷已塵外

渡伊水

雙崖若爭妍秀色日相射游人夸水東揮榜渡清瀉潺
潺溪邊風五月自瀟灑中流望南北河漢自天下嗟予
水鄉客塵土困蹈藉江湖久懷歸無地稅征駕臨流動
長想照影久悲吒滄洲倘有歸功業付高謝

石樓

清溪若奔虬八鎖束其頸犇騰去莫脫擺掣恣驍猛嘈
嘈戰風霆萬鼓助其勁聲驅石崖動氣抱晴日冷我來
怯初登注視久乃定悠悠山川闊寸目羅萬景平生林
野趣疎放謝鞭警會期山月出一嘯清夜永

上方

足躡青玉磴躋攀不知勞回頭瞰木杪始覺所歷高孤

御選宋詩

卷十四 張耒

三

鳥去滅沒奔溪深怒號白日當畫梁青雲送微颺坐久
神慮平微涼清骨毛但驚塵垢客俯仰近赤霄古僻有
遺字昔人歎寂寥南風不知暑古木常蕭蕭

晚飯寶應

晚風吹古柏落照明空山深行得寶剎崖嶺相回環人
遠草木邃境幽魚鳥閒道人掃華堂延我具晚餐齋庖
野菊美石井新泉寒旣飽陟上方浮香出林端平生塵
鹿志強學伏車轅塵懷造勝絕欲去猶三歎

廣化遇雨

浮雲蔽高峰臺殿延晚色風聲轉谷豪雨脚射山白東
樓瞰虛明龍甲排檜柏蕭森異人境坐視動神魄撞鐘

寺門掩晚霽尚殘滴相攜下山去塵靜馬無迹歸來解
鞍歇新月如破璧但恐桃花源回舟已青壁

陳師道

觀兗文忠公家六一堂圖書

生世何用早我已後此翁頗識門下士略已聞其風中
年見二子已復歲一終呼我過其廬所得非所蒙先朝
羣玉殿冠佩環羣公神文煥王度喜色見天容御榻誰
復登帝書元自工黃絹兩大字一覽涕無從似欲託其
子天意人與同歷數况有歸敢有貪天功集古一千卷
明明並羣雄誰為第一手未有百世公廟器刻科斗寶
樽蟠華蟲緬懷弁服士酬獻鳴璫瑤插架一萬軸遺子
御選宋詩

卷十四 陳師道

三

以固窮素琴久絕絃棊酒頗缺供向來一瓣香敬爲曾
南豐世雖嫡孫行名在亞子中斯人日已遠千歲幸一
逢吾老不可待露草濕寒蒼

寒夜有懷晁無斁

同好共城郭十日不一顧人事雖好垂吾生亦多忤闔
門對妻子歲月不可度閉目寧用遮停杯仍下箸獨無
區中緣永懷巖下趣平生三徑資安得一朝具萬里初
歷塊前驅告曛暮歸懷屬有思棄世不待怒老境厭遶
遲人情費將護向來張長公吾亦從茲去燈花頻作喜
月色正可步預恐何水曹明朝有新句

和黃充實春盡游南山

逐勝缺勇功餞春無少色出門欲何向坂丸隨所擊百
年餘幾何十步復一息同來二三子楚楚頗修飭行前
強老夫徑捷疲峻陟山門開煙霏禪房閉岑寂口燥沾
茗椀久厄此爲德逐日下西山草路荒不識回溪轉鈎
曲門徑入繩直故人喜領客內媿積腸臆所來爲親舊
埽除稱寥閔疾風無末勢過雨有餘瀝高花初欲然平
荷已如拭因君感衰盛醜好移頃刻交新厭區區話舊
聽歷歷談間十一二四座已傾側茅屋漏風霜山田帶
沙礫尚能哀此老舉手觸四塞君如澗底松超拔出天
壁學詩有新功黃魏共推激

生與魏行
黃預游

咸平讀書堂

御選宋詩

卷一四 陳師道

三

昔人三百篇善世已有餘後生守章句不足供囁嚅一
登吏部選筆硯隨埽除閉閣晝看嬾隔屋聞歌呼奉公
用漢律寧復要詩書俛首出跨下枉此七尺軀今代陶
朱公不作大梁屠計然特未用意得輕全吳爲邦得畿
縣政密自計疎寧書下下考不奉急急符用意簿領外
築室課典謨平生五十卷還舍不問塗近事更漢唐稍
以詩自娛復作無事飲醉卧擁青奴桃李春事繁軒窗
晝景舒鳴屋鳩渴雨窺簾燕哺雛休吏散篇帙風篁獻
笙竽听然一啟齒斯民免爲魚

次韻答秦少章

學詩如學仙時至骨自換縹緲鴻鵠上衆目焉能翫子

從淮海來一喙當百難師儒有韓孟拭目互驚惋老生
時在傍縮手媿顏汗黃公金華伯莞爾回一盼彼方試
子難疾前不應懦要當攻石堅勿作搏沙散植壁雖具
美礧錯加璀璨我老不足畏後生何可慢

贈關彥長

少年初識字已誦子虛賦嘗疑天上人已離人間去嗟
跼二十年久自歎遲暮倦游梁宋間却踏江湖路此地
始逢君秋陽破朝霧白首鬢毛新青山顏色故問君何
爲然竟坐文字誤人事久難知高才常不遇論人較賢
智富貴寧在數不見竹林詩山王俱不與湖塘發高興
山林有佳處迨此閒暇時觀游莫辭屢功名如附贅得
御選宋詩

卷十四 陳師道

十四

失何用顧但當勤秉燭長願隨杖屨
次韻應物有歎黃樓

一代蘇長公四海名未已投荒忘歲月積毀高城壘斯
樓亦何與與人壓復起紛紛徒爾爲長劍須天倚循分
即可久吾行誰與止邇來賢達人五十笑百里賴有寇
公子衆毀聞獨美直氣懾狂童牽聯皆可紀少公作長
句班揚安得擬頗有喜事人睥睨欲槌毀一朝陵谷變
天語含深旨驚倒樓前人今朝有行履

贈魯直

相逢不用早論交宜晚歲平生易諸公斯人真可畏見
之三伏中凜凜有寒意名下今有人胸中全無事神物

護詩書星斗見光氣惜無千人力負此萬乘器生前一樽酒撥棄獨何易我亦奉齋戒妻子以爲累君如雙井茶衆口願共嘗顧我如麥飯猶足填飢腸陳詩傳筆意願立弟子行何以報嘉惠江湖永相望

次韻晁無斁夏雨

咫尺隔山海作書問如何蟻垤旣畜糧蛙窟如鳴鼃積暑天復雨斧斫仍手摩東臯繁草木蘭艾不同科驚魚畏密罟獨鳥鳴南柯稍無蟲飛喧復覺禪語多卧聞夜來雨歸種故山禾

城南寓居

遊子暮何歸韋杜城南邨秋水深可測挽衣踏行雲道
御選宋詩 卷十四 陳師道 五
暗失歸處棲鳥故不喧牛羊蔽籬落稚子猶在門

次韻蘇公涉潁

衝風不成寒脫木還自竒坐看白日晚起行清潁潒路暗鳥遺音江清魚弄姿宇定怪物變意行覺舟遲公與兩公子妙語含風漪但怪笑語劇莫知賓主誰得句未肯吐鬱鬱見睫者相從能幾何行樂當及茲

寄黃充

俗子推不去可人費招呼世事每如此我生亦何娛黃生後來秀純茂靜者徒不見動經月來亦不須與人事已好乖可復自作疎子雖向人懶勝處不可孤迨此田事休仍當秋雨餘深知阻泥濘步履意何如

寄參寥

平生西方願擺落區中緣惟於世外人相從可忘年道
人贊公徒相識幾生前早作步兵語晚參雲門禪拾策
孤山下一室頗蕭然林昏出幽磬竹杪橫疎園昨日寄
書至坐想參寥泉此泉如此公遇物作清妍一別今幾
時綠首成白顛子亦憐我老我豈要子憐會逢萬里風
一繫五湖船酌我巖下水咽子山中篇

示三子

去遠即相忘歸近不可忍兒女已在眼矚目畧不省喜
極不得語淚盡方一哂了知不是夢忽忽心未穩

田家

御選宋詩

卷十四

陳師道

三

雞鳴人當行犬鳴人當歸秋來公事急出處不待時昨
夜三尺雨竈下已生泥人言田家樂爾苦人得知

還里

曠土愛吾廬游子悲故鄉慷慨四方志老衰但悲傷虛
名自成誤失得畧相當暮年還家樂未覺道路長閭里
喜我來車馬塞康莊爭前借顏色草木亦晶光向來千
人聚一老獨徜徉手開南陽阡松柏鬱蒼蒼永願守一
丘脫身萬里航半生功名念倒海浣我腸款段引下澤
斷絃更空觴尚恐北山菊有文移路傍

平翠閣

我家山水間耳目厭華麗聞道浙西山經年通夢寐從

爲遠游客忘却歸來計欲置湖上田謝絕人間世湖山
多變態橫斜光氣異隨山轉朱閣臨顧窮幽邃惟存宣
公樓浮空堆亂翠疑是水仙人臨牆露高髻道人亦愛
山朝昏閱終歲最愛煙雨中半撩青羅袂我來悲歲晚
風霜掃昏翳不見嶺頭雲未盡登臨意

范祖禹

資州路東津寺

山行無晨暮日暝崖谷昏哀猿落客淚永路驚旅魂憑
陵高山巔俯視大江奔廻環島嶼合滌轉洲渚屯行雲
赴炎火飛鳥下蜀門地遐怪蛇聚寺古深殿存憶昔李
氏末煙塵暗中原奸雄競草竊割據窮海根干戈百年
御選宋詩
卷十四 陳師道 范祖禹 蘇頌
三七
後見此敗屋垣我來屬清秋登覽無俗喧山深虎豹歸
水靜蛟鼉騫臨風獨嘯叱浩蕩欲飛翻

蘇頌

坐久月初上

高軒微雨過初夕涼風生兀坐正幽寂雲間月華明移
榻向寒堦遙望孤蟾清所思故人遠對此傷予情

和丘林二君會程坦之家

天涯人未歸飄然江海上客心蓬任風歸路萍隨浪青
雲少知己白日多雁謗著書見窮愁倚門知骯髒皇皇
千名祿戚戚足羞讓豈特爲身謀所懷慰親望昔人在
困躓寧復論得喪吾徒抱道義豈不保趨嚮勉希一簞

賢無慕千乘相卷舒各有時出處當自諒

送朱郎中壽昌通判河中府

邙詩詠凱風以成孝子志鄭人復君母傳稱能錫類中
郎常有懷生不識所恃登朝雖厚祿當食每忘饋念昔
鞠育勞嗟今出處異倚門豈不待兩求終莫致乳烏思
反哺哀鳴自垂翅百草搖春暉寧無謝生意灑血向穹
壤解組出臺寺馳驅咸雍郊歷訪經行地至行感神明
精神通夢寐悠悠大道傍親息忽相值紫綬拜北堂白
頭歸長嗣悲忻敘契闊况如隔生事四紀世路殊一朝
版輿侍茲事昔未有聞者共驚喟帥守爲之言詔趣還
官次當年二千石寵名非所利仕或便鄉關安用竹符
御選宋詩

卷十四

蘇頌

天

使蒲中母家近自屈爲倅貳受命慰慈顏騰裝愜歸思
旣徇報德心亦安效官智觴以萬壽薦衣成五綵戲無
復興寒泉何須賦大隧令人及聖善孝慈兩不賈贈言
述高風庶用激忠義

次韻蔣穎叔同游南屏見惠長篇

青山橫莽蒼萬石出南麓古刹表蒼闈高聲聳羣玉居
惟擇岡巒近靡數松竹郡郭路非遙遊人春不宿陟巘
極躋攀循崖勞偃伏架筍引流泉跨嶺構重屋講坐據
妙峯禪堂對枯木幽尋難屢期將往誰能獨偶逢霜臺
客暫駐驄馬足聯步訪叢林終朝走郊牧相期方外游
頓忘河上曲夷路喜君騰高閣暫予束更聽名理言俯

愜心中欲况已證真常詎止齊寵辱願言挹清風可用
警浮俗

和蔣穎叔亳州矮檜

檜生本修直此種特殊異高不盈尋丈廣乃遍堦砌短
幹自堅強附枝交蔭翳森然葆羽歆隱若虬龍墜不知
何代有本老色彌翠嘗聞古仙者應化在茲地手植有
遺跡深根幾千歲神靈應護持道宮存款識自此物色
繁因爲圃人利封殖雖地宜屈蟠由巧智以彼凌雲姿
還同蔽牛類拳曲如能壽輪困不爲器誰云矯生質終
亦遺世累詩伯一留題禪叢重增貴豈若榴檉然空傳
草木記

御選宋詩

卷十四 蘇頌

三九

次韻君實內翰同游范景仁東園

鑿禁限沈深鰲頭雄鼻屨主人出休沐秋色正明麗偶
爲東園游便有中林思縱言得造適覽物增意氣風清
濯煩襟日永忘歸轡朝野本無間簪組何用棄未必幽
棲人識茲真樂地

御選宋詩卷第十四

